

一廬存稿

甲集

傳

一廬存稿

甲集

朱志書



香港商務書館

印刷工廠代印

自序

乃勛生科舉時代有用精力半銷磨於帖括間詩古文詞汎覽而已不精固宜改習名法半稔旋出輔人所治官書率爾操觚愜心尤尠祇以心血所在不忍摧棄積久成帙癸卯遊柳猝遭兵燹與青氈同付賊燼事後蒐輯十得五六參以新作則又成帙乙卯居肇西潦沒椽漂失殆盡存亦漫滅事後再事蒐輯十得三四參以近作則又成帙區區文字顧乃再罹浩劫猶有存者等諸敝帚能勿自珍鑒恍前轍思付剗剔免再散落退食鮮暇弗克從事年來海外杜門陳編重理都爲甲乙兩集甲集詩古文詞隸之乙集官書隸之兩集均斷自戊戌卽初客桂林歲也乙集迄於辛亥前清末甲集則多壬子民國改元後之作乃勛讀書不成去而讀律志毅干祿甯敢自諱廿年前俛仰身世深維時局棼錯賦性乖崖鑿柄殊鉅祇可藏拙顧以有母尸饗之故抱硯挾策傳食諸侯瓠